

Bases de la Feria del Llibru de Xixón 2020

Capítulu 1. Oxetu de la convocatoria, llugar, feches y horarios.

- 1.1. Oxetu: La organización de la Feria del Llibru de Xixón tien como principal oxetivu la promoción del llibru y de la llectura nel conceyu Xixón al travies del sofitu y el fomentu de l'actividá empresarial de llibreríes xixoneses y de les editoriales asturianas, favoreciendo con esti envís la collaboración y la participación de toles entidaes ya instituciones, privaes y públiques, venceyaes al sector del llibru.
- 1.2. Llugar y feches: La Feria del Llibru de Xixón va celebrase nel Paséu Begoña dende'l xueves 18 hasta'l domingu 21 de xunu de 2020 dambos inclusive..
- 1.3. Horarios: Les casetes de la feria van tar abiertes al públicu nestos horarios: los díes 18, 19 y 20 de xunu, de 11.00 a 14.00 y de 17.00 a 21:30 hores; y el domingu 21 de xunu, de 11.00 a 14.00 y de 17.00 a 20.00 hores.

Capítulo 2. Titularidá y organización de la Feria del Llibru de Xixón.

La titularidá y la organización de la feria del llibru, en diálogu colos axentes culturales del sector del llibru, correspuende a la Fundación Municipal de Cultura, Educación y Universidá Popular de Xixón, que ye la entidá qu'assume la convocatoria y el financiamientu d'esta iniciativa y la que va establecer les canales de comunicación afayadizos colos distintos axentes participantes na mesma (llibreros, editores, autores...).

Capítulu 3. Condiciones de participación na FeLiX 2020.

Van poder solicitar la so participación como espositores na FeLiX 2020 les llibreríes de Xixón, les editoriales d'Asturies y entidaes culturales que desenvuelvan un llabor editorial regular, coles condiciones que s'especificuen darréu:

3.1. Requisitos de les llibreríes:

1. Desenvolver la so actividá con toles llicencies necesaries, acreiitae con declaración responsable..
2. Tener la so actividá comercial nun establecimientu abiertu al públicu nel conceyu de Xixón, con una superficie igual o superior a 40 metros cuadraos y con horariu comercial determináu..
3. Tener a disposición de la vecería, nel so establecimientu, siquier 500 títulos distintos, verificables colos albaranes d'esistencies del añu en cursu.
4. Vender los llibros acordies colo dispuesto na Llei 10/2007, de 22 de xunu, de la llectura, del llibru y de les biblioteques, particularmente en rellación a los precios de venta (preciu fixu).

3.2. Requisitos de les editoriales:

Feria del Llibru de Xixón 2020 (FeLiX 20). Bases

1. Desenvolver la so actividá con toles llicencies necesaries, acreitaes con declaración responsable.
2. Pagar la cuota de participación correspondiente nel casu de tener el llar social y fiscal fuera d'Asturies; les editoriales con llar social y fiscal n'Asturies van tar llibres del pagu de la cuota mentada..
3. Acreitar que disponen d'un catálogu de publicaciones vives» (con rexistru ISBN y ufiertaes para la so venta a distribuidores o a llibreríes) formáu por un mínimu de 12 títulos, si opten a una caseta individual, o de 6 títulos, si opten a una caseta compartida..
4. Vender los sos llibros acordies colo dispuesto na Llei 10/2007, de 22 de xunu, de la llectura, del llibru y de les biblioteques, particularmente en rellación a los precios de venta (preciu fixu).

3.3. Requisitos de les entidaes culturales:

1. Acreitar que disponen d'un catálogu de publicaciones vives» (ufiertaes permanentemente para la so venta al públicu) formáu por un mínimu de 12 títulos, si opten a una caseta individual, o de 6 títulos, si opten a una caseta compartida..
2. Tener el so llar social en Xixón.
3. La participación na feria de les entidaes culturales va tar subordinada a la disponibilidad de casetes y a la consideración de la organización, que va valorar si ye oportuno.

3.3. Inclusiones y exclusiones:

La organización va poder convidar a participar na FeLiX 2020, como espositores, a instituciones públiques y a editoriales non asturianas que considere puen tener interés pa la feria.

Nun van poder participar na feria les entidaes mercantiles que se dediquen principalmente a la venta, edición y distribución de llibros n'edición dixital o qu'empresten servicios editoriales a terceros, ensin disponer, poro, d'un catálogu propiu comercializáu al traviés de les canales habituales del sector (distribuidores y llibreríes).

3.4. Cuota de participación:

1. La participación na FeLiX 2020 va ser de baldre para les llibreríes xixoneses, les editoriales asturianas y les entidaes culturales que fueren almitíes, y tamién pa les instituciones públiques convidaes..
2. La participación na FeLiX 2020 d'editoriales que nun tengan el llar social y fiscal n'Asturies va tar subordinada a la consideranzade la organización, que va valorar la so oportunidá. Les editoriales non asturianas almitíes tendvan tenerrán d'asumir el costu del arriendu de les sos casetes y facer el pagu correspondiente nes condiciones y plazos que-y conseñen na notificación de la concesión.

3.5. Solicitúes:

Feria del LLibru de Xixón 2020 (FeLiX 20). Bases

Les entidaes interesaes en participar na FeLiX 2020 qu'axunten les condiciones indicaes nestes bases van tener de solicitar la so participación rellenando'l formulariu de participación (ver anexu).

Les que quieran optar a una caseta compartida (y cumplan lo requerío nos apartaos 3.2.3 y 3.3.1 d'estes bases) van tener d'indicalo espresamente nel so escritu de pidimientu, poniéndose primero d'alcuerdu con la entidá o entidaes coles que quieran compartir la caseta, que van tener tamién formalizar la so solicitú en términosasemeyaos.

El plazu de presentación de solicitúes va ser de 15 díes hábiles, cuentaos a partir del día siguiente de la publicación de la convocatoria na páxina web (<http://cultura.gijon.es>).

3.6. Resolución y asignación de casetes:

N'acabando' plazu de presentación de solicitúes, la organización va resolver, acordies colos criterios establecíos, y va comunicar la so admisión o non admisión a caúna de les entidaes solicitantes.

La decisión final sobre'l númberu total de casetes participantes na feria va corresponder a la organización.

L'allugamientu esautu de les casetes de les llibrerías y editoriales va determinase con un sortéu, que va ser públicu y anunciáu primero a cada participante.

Capítulu 4. Normes de venta y publicidá.

4.1. Nes casetes de la FeLiX 2020 namás se van poder esponer y vender llibros con rexistru ISBN. Queda escluyida la venta de llibros de vieyo y llibros de saldu, y tamién la de materiales audiovisuales o dixitales que nun formen parte d'un llibru.

4.2. Nun ra permitida la venta a creitu.

4.3. La venta de cualesquier material que nun tea incluyíu espresamente nestes bases hai que la solicitar a la organización polo menos 48 hores enantes del entamu de la FeLiX 2020, y nun nun se va poder facer ensin la so autorización per escritu.

4.4. Los espositores van poder vender los sos llibros con un descuento máximu del 10 por cientu sobre'l PVP.

4.5. Les ventes van faceses puramente dende l'interior de les casetes. En nengún casu los les vendedores van poder atender al públicu fuera de les casetes nin exercer sobre los posibles compradores nengún tipu de presión o «venta agresiva».

4.6. Los espositores van poder entamar nes sos casetes robes d'autores y anunciales. La publicidá de los actos namás se va poder facer nos espacios y nel formatu homologado que determine la organización de la FeLiX 2020.

Capítulu 5. Otres obligaciones de los espositores.

5.1. Respetar los horarios oficiales d'apertura y zarru de la feria, teniendo les sos casetes abiertes y con personal d'atención al públicu mientres los períodos d'apertura.

5.2. Facilitar a la organización los datos estadísticos que-y soliciten, rellenando los cuestionarios correspondientes. Los datos de ventes, separaos per díes o con arreglu a los

Feria del Llibru de Xixón 2020 (FeLiX 20). Bases

conceutos que determine la organización, van van pisise enantes de rematar el mes de xunu, y los espositores van tener que los apurrir primero del 12 de xunetu de 2020.

5.3. Rssponsabilizase de que les casetes tean nun estáu bonu, y devolveles al rematar la feria nes mesmas condiciones que presentaben al entamu. Queda prohibíu dafechu cualesquier cambéu de les casetes.

5.4. Mirar pola exhibición en condiciones de los fondos espuestos, qu'habrán ufrir un aspeutu ordenáu y estéticu, acordies cola imaxe xeneral de la feria.

Capítulu 6. Incumplimientos y sanciones.

6.1. Considérense incumplimientos graves:

1. Utilizar equipos de soníu y megafonía particulares.
2. Llantar cartelos o cualesquier reclamu publicitariu fuera de les casetes, que nun tean autorizaos pola organización de la feria.
3. Vender artículos distintos de los mentaos nestes bases y que nun tean autorizaos espresamente pola organización.
4. Non respetar los horarios oficiales d'apertura y zarru de la feria.
5. Facer nes casetes actividades non autorizaes (esto ye, distintes a la venta de llibros o la robla d'autores).
6. Nun remitir a la organización los datos ya informaciones que-y soliciten.

6.2. Considérense incumplimientos mui graves:

1. Ceder dafechu o parcialmente l'usu de la caseta a entidá o persona distinta d'aquelles pa les que se solicitó y concedió
2. Cmudar la estructura de les casetes, mesmo nel interior que nel exterior.
3. Atender al públicu fuera de les casetes o utilizar téuniques de venta que la organización considere inapropiaes.
4. Vender llibros con descuentos superiores al 10 por cientu o a lo llegalmente afitao.
5. Axuntar dos faltas graves.
5. Renunciar a participar na FeLiX 2020, teniendo aprobada la solicitú , ensin causa xustificada y autorización espresa y escrita de la organización.

6.3. Sanciones:

1. La organización va sancionar los incumplimientos graves cola prohibición de participar na edición siguiente de la Feria del Llibru de Xixón.
2. La organización va sancionar los incumplimientos mui graves cola prohibición de participar nes dos ediciones siguientes de la Feria del Llibru de Xixón.

Capítulu 7. Disposición final.

Feria del Llibru de Xixón 2020 (FeLiX 20). Bases

La presentación de la solicitú pa participar na Feria del Llibru de Xixón 2020 supó l'aceutación dafechu y espresa d'estes bases, y tamién de les disposiciones que na so aplicación pueda aprobar la organización.

ANEXU

Relaciones per medios electrónicos

1. Obligación de relacionase per medios electrónicos.

Acordies col artículo 14.2 de la LLPACAP, tán obligaos a relacionase al través de medios electrónicos pa la presentación de cualesquier documentu o realización de cualesquier trámite nel procedimientu, los suxetos que vienen darréu:

- Personas xurídiques: empreses mercantiles, asociaciones, fundaciones, etc.
- Entidades ensin personalidá xurídica: comunidaes de bienes o cualesquier tipu d'unidá económica o patrimoniu ensin personalidá xurídica.
- Profesionales de colexación obligatoria n'exerciciu de la so actividá profesional, como abogaos/es o graduaos sociales.
- Los y les representantes de cualesquier suxetu obligáu.

2. Medios disponibles.

El Conceyu de Xixón y los sos organismos autónomos, van garantizar que les persones interesaes puean relacionase con él al través de medios electrónicos, pa lo que van poner a la so disposición la Oficina Virtual y el Rexistru Electrónicu (<http://www.gijon.es/registroelectronico>).

Del mesmu mou, el Conceyu de Xixón va asistir nel usu de medios electrónicos a ls persones interesaes non incluyíes nel apartáu anterior que lo soliciten, especialmente no tocante a la identificación y firma electrónica, presentación de solicitúes al través del rexistru electrónicu y obtención de copies auténtiques.

3. Identificación y firma electrónica.

Acordies colo afitao nos artículos 9 y 10 de la LLPACAP, va diferenciase ente Sistemes d'identificación y Sistemes de firma a emplegar nes relaciones cola alministración per medios electrónicos:

Identificación. La ciudadanía van poder emplegar estos sistemas pa identificase énte el Conceyu de Xixón:

- Sistemes basaos en certificaos electrónicos reconocíos o cualificaos de firma electrónica o de sellu electrónicu espedíos por organismos incluyíos na «Lista de confianza d'ufiertadores de servicios de certificación», ente los que s'inclúin los emitíos pola Direición Xeneral de la Policía Nacional (certificáu del DNI electrónicu) o los emitíos pola Fábrica Nacional de Moneda y Timbre.
- La Tarxeta Ciudadana del Conceyu, que permite a los sos titulares relacionase electrónicamente cola Alministración Municipal acordies col artículo 20 de la Ordenanza

Feria del Llibru de Xixón 2020 (FeLiX 20). Bases

reguladora de l'Alministración Electrónica del Conceyu de Xixón (BOPA 51, de 3 de marzu de 2010).

- Cualesquier otru mediu electrónicu qu'incorpore el Conceyu de Xixón a los sos sistemas d'identificación.

Firma electrónica. A efeutos de firma electrónica son válidos estos medios:

- Sistemas de firma electrónica reconocida o cualificada avanzada, o sistemas de sellu electrónicu reconocíu o cualificáu y de sellu electrónicu avanzáu basaos en certificaos electrónicos reconocíos o cualificaos de firma electrónica espedíos por organismos incluyíos na «Llista de confianza d'ufiertadores de servicios de certificación». Que comprende los de persona física, persona xurídica y los de representación.
- La Tarxeta Ciudadana del Conceyu, que permite a los sos titulares rellacionase electrónicamente cola Alministración Municipal d'acuerdu col artículu 20 de la Ordenanza d'Alministración Electrónica del Conceyu de Gijón/Xixón.
- Cualesquier otru sistema que les Alministraciones Públiques consideren válidu, nos términos y condiciones que s'establezan.

Con carácter xeneral, pa realizar cualesquier actuación prevista nel procedimientu alministrativu, va ser bastante con que les persones interesaes acreiten primero la so identidá al traviés de cualesquier de los medios d'identificación indicaos, de toes formes va requerise firma electrónica de forma obligatoria pa la presentación de solicitúes, interposición de recursos, desistimientu o renuncia a derechos, y demás recoyíos nel artículu 11 de la LLPACAP.

4. Solicitúes presentaes de manera presencial por suxetos obligaos a rellacionase per medios electrónicos.

En casu de qu'un suxetu obligáu acuda al Organismu Autónomu o a una Oficina d'Atención a la Ciudadanía pa la presentación d'una solicitú, van informalu/a de la obligación de rellacionase electrónicamente col Conceyu de Xixón. Si de toes formes la persona interesada insiste na presentación presencial va rexistrase la solicitú y va dixitalizase xunto cola documentación que la acompañe acordies coles normes reguladores de la convocatoria.

Nesti casu, van requerir a la persona interesada, enantes que remate'l plazu xeneral, para qu'igüe la so solicitú cola so presentación electrónica nel plazu específicu que se señale na convocatoria correspondiente.

Acordies colo señalao nel artículu 68.4 de la LLPACAP, va considerase como fecha de presentación de la solicitú aquella na que se ficiera la igua, polo que la igua realizada fuera del plazu específicu concedíu al efeutu na convocatoria va suponer la esclusión de la solicitú por estemporaneidá.

5. Notificación electrónica.

Acordies colo afitao nel artículu 41 de la LLPACAP, les notificaciones van prauticase preferentemente per medios electrónicos y, en tou casu, cuando la persona interedsada tea obligada.

Les persones físiques non obligaes van poder escoyer na solicitú y en tou momentu ente:

- Notificación per corréu postal nes señes qu'indique na solicitú.
- Notificación per medios electrónicos.

La notificación per medios electrónicos va prauticase per comparecencia na sede electrónica del Conceyu de Xixón (<http://www.gijon.es/notificacionelectronica>). Les personas físiques, y con independencia del mediu escoyíu, van tener toles notificaciones a la so disposición na sede electrónica pa que puean acceder al conteníu.

Con esi envís va mandáse-y un avisu a la direición de corréu electrónicu señalada na solicitú poa persona interesada, informándola de la puesta disposición d'una notificación na sede electrónica municipal, la falta de práutica nun va ser torga pa que la notificación se considere válida dafechu pa los suxetos obligaos.

La notificación va entendese como rechazada cuando trescurrieren diez (10) díes naturales dende la puesta a disposición de la notificación na sede electrónica ensin que s'accediere al so conteníu acordies colo afitao nel artículu 43 de la LPACAP y va procedese a publicar la notificación nel Tablón Edictal Único del Boletín Oficial del Estado.

Sicasí, si l'interesáu o'l so representante comparecen nel organismu autónomu o nes Oficines d'Atención a la Ciudadanía y lo solicite d'esti mou, va poder prauticáse-y la notificación per comparecencia espontánea, acordies col artículu 41 de la LLPACAP.

Pa identificarse y acceder a les notificaciones electróniques precisase un certificáu electrónicu espedíu por organismos incluyíos na llista de confianza d'ufiertadores de servicios de certificación.

6. Publicación.

Atendiendo al carácter de procedimientu de concurrencia competitiva de los procedimientos de convocatoria de subvenciones, la resolución del procedimientu va ser oxetu de publicación nel Tablón d'Anuncios de la sede electrónica del Conceyu de Xixón, ensin perxuciu d'otros medios que s'afiten na convocatoria.

7. Rexistru electrónicu y servicios d'asistencia no tocante a rexistros.

Con independencia de la forma de rellacionase col Conceyu de Xixón, esti dispón d'un Rexistru Electrónicu Xeneral nel que se van facer los asientos correspondientes.

El Conceyu de Gijón/Xixón dispón de distintos niveles de Servicios d'Asistencia a la Ciudadanía no tocante a rexistros:

Feria del Llibru de Xixón 2020 (FeLiX 20). Bases

1. Asistencia remota. Si se precisa soporte en remoto y resolver dudas, existe un serviciu electrónicu al traviés del Soporte de la Oficina Virtual.
2. Asistencia telefónica. Si precisa asistencia telefónica, pue contactar col teléfonu 010 (dende fuera de Gijón/Xixón: 984 847 970).
3. Asistencia presencial. Existe un dispositivu municipal temporal pa informar a los suxetos obligaos nos Centros d'Atención a la Ciudadanía.

8. Información complementaria.

Les persones físiques non obligaes a relacionase per medios electrónicos cuenten con un serviciu específicu col que peun escoyer l'alta o la baxa a la notificación per medios electrónicos na Sede Electrónica Municipal, dende la Oficina Virtual (<http://www.gijon.es/oficinavirtual>).

Toles persones, mesmo obligaes que non obligaes, puen acceder al serviciu d'actualización de los medios d'avisu pa les notificaciones electróniques al traviés del serviciu accesible en <http://www.gijon.es/misdatosdecontacto>.

Del mesmu mou, los suxetos non obligaos pola LLPACAP van poder facer la presentación de solicitúes al traviés de les oficinas d'Atención a la Ciudadanía de les que dispón el Conceyu de Xixón, nestos espacios:

Nome	Señes	Horariu	Teléfonu
Oficina Central d'Atención a la Ciudadanía	C/ Cabrales, 2 33201 Xixón	<u>Iviernu</u> : Llunes a vienres de 8.30 a 17.00 h; s ábadu de 9.00 a 13.00 h. <u>Branu</u> (xunetu y agostu): Llunes a vienrees de 8.30 a 14.00 h; sábadu de 9.00 a 13.00 h.	010 Si llama dende fuera del conceyu de Xixón: 984 847 970
Oficina d'Atención ala Ciudadanía. Centru Municipal Integráu de L'Arena	C/ Canga Argüelles, 16-18 33202 Xixón	<u>Iviernu</u> : Llunes a vienres de 8.30 a 17.00 h. <u>Branu</u> (xunetu y agostu): Llunes a vienres de 8.30 a 14.00 h.	985 181 617
Oficina d'Atención a la Ciudadanía. Centru Municipal Integráu d'El Llano	C/ Ríu d'Oru, 37 33209 Xixón	<u>Iviernu</u> : Llunes a vienres de 8.30 a 17.00 h. <u>Branu</u> (xunetu y agostu): Llunes a vienres de 8.30 a 14.00 h.	985 185 243
Oficina d'Atención a la Ciudadanía Centru Municipal Integráu Atenéu de La Calzada	C/ Ateneo Obrero de la Calzada, 1 33213 Xixón	<u>Iviernu</u> : Llunes a vienres de 8.30 a 17.00; sábados de 9.00 a 13.00 h. <u>Branu</u> (xunetu y agostu): Llunes a vienres de 8.30 a 14.00 h; sábados de 9.00 a 13.00 h.	985 181 405
Oficina d'Atención a la Ciudadanía Centru Municipal Integráu d'El Coto	Plaza de la República, s/n. 33204 Xixón	<u>Iviernu</u> : Llunes a vienres de 8.30 a 17.00 h. <u>Branu</u> (xunetu y agostu): Llunes a vienres de 8.30 a 14.00 h.	985 181 703

Feria del Llibru de Xixón 2020 (FeLiX 20). Bases

Nome	Señes	Horariu	Teléfonu
Oficina d'Atención a la Ciudadanía Centru Municipal Integráu de Pumarín-Gijón Sur	C/ Ramón Areces, 7 33211 Xixón	<u>Iviernu</u> : llunes a viernes de 8.30 a 17.00; sábados de 9.00 a 13.00 h. <u>Branu</u> (xunetu y agostu): llunes a viernes de 8.30 a 14.00 h; sábados de 9.00 a 13.00 h.	985 181 642
Oficina d'Atención a la Ciudadanía nel Edificiu Alministrativu Antiguu Hogar (Casa Rosada)	Paséu de la Infancia, 2 33207 Xixón	<u>Iviernu</u> : llunes a viernes de 8:30 a 17:00 h. <u>Branu</u> (xunetu y agostu): llunes a viernes de 8:30 a 14:00 h.	984 491 960